



PRIJEDLOG

Broj: 01/1-02-2065/13
Ilijaš, 28. 11. 2013. godine

Z A P I S N I K

sa 13. (trinaeste) sjednice Općinskog vijeća Ilijaš održane dana 28. 11. 2013. godine, sa početkom u 10h.

Trinaestom sjednicom OV-a Ilijaš je predsjedavao zamjenik predsjedavajućeg OV-a g-din Mahir Dević.

RB.	IME I PREZIME
SDA	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	-
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	ALAN ŠERAK
11	MARIONETA ILIĆ-JURETA
12	-
13	SELVER HERIĆ
SBB	
14	ADEM EFENDIĆ
15	NIJAZ MAŠIĆ
16	
17	AKIF BEŠLIJA
SAMOSTALNI VIJEĆNICI	
18	EDHEM HASANOVIĆ
19	ASIM MUJIĆ
STRANKA ZA SREDNJE	
20	BESIM GLJIVA
21	AIDA MALIŠEVIĆ
LDS	
22	NIJAZ RASTODER
23	NIHAD BUČUK

	BPS
24	MUHAMED HANDŽIĆ
	SDU
25	DIZDAREVIĆ ENES

Odsutni vijećnici:

1. Damir Filipović
2. Amar Dovadžija
3. Sead Šehić

Prisutni gosti:

1. Aida Muratović - Radio Ilijaš
2. Mehmed Smajlović – Predsjednik Savjeta MZ Mrakovo
3. Šemso Jusić – Predsjednik Savjeta MZ Podlugovi
4. Predstavnici zdravstva:
 - direktor OJ Dom zdravlja Ilijaš – dr.Nijaz Šitkovic
 - predstavnik ZZO – dr.Abdulkerim Fazlić
 - predstavnik Hitne pomoći – dr.Amra Bašić-Vujadinović
 - direktor DZ Kantona Sarajevo- prim.dr.Dženana Tanović
5. TV Vogošća

Ostali prisutni:

1. Akif Fazlić – općinski načelnik
2. Nijaz Spahić – pomoćnik načelnika
3. Meliha Avdibegović – pomoćnik načelnika
4. Merima Osmanović – pomoćnik načelnika
5. Sanja Zagorac-Jozić – pomoćnik načelnika
6. Sadeta Brkić – pomoćnik načelnika
7. Alma Imamović – pomoćnik načelnika
8. Ilda Kahriman – sekretar Općinskog vijeća
9. Vahid Hadžiabdić – građevinski inspektor
10. Aida Čutura-Marić – stručni saradnik u Stručnoj službi općinskog vijeća i općinskog načelnika
11. Adha Mashopita – stručni saradnik u Službi za društvene djelatnosti
12. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Imajući u vidu zaključak OV-a da se organizuje tematska sjednica, izvjestio je da je Kolegij procijenio da bi bilo dobro da se ovo uradi kroz redovnu sjednicu, obzirom da stanje nije toliko alarmantno da bi se trebala održati tematska sjednica. Kolegij je jednoglasno donio ovu odluku i na ovu sjednicu smo pozvali sve relevantne ljude koji bi mogli govoriti o zdravstvu.

Takođe imamo jednu inicijativu da se predložena tačka 12. Informacija o aktuelnom stanju u oblasti zdravstva na području općine Ilijaš razmatra kao 3. tačka dnevnog reda. Inicijativa je opravdana zbog prisustva ovih ljudi iz zdravstva.

Dalje, od strane predlagača imamo prijedlog da se tačka 9. povuče sa dnevnog reda, te pozivam predlagača za obrazloženje.

Sadeta Brkić – U službi je zaprimljen zahtjev Mulahuseinović Mirsade i Huskić Suade iz Ilijaša koje su se obratile OV-u putem službe za imovinsko-pravne poslove sa ponudom za preuzimanje zemljišta. Međutim, juče u toku dana je stigao akt druge zainteresirane stranke koja je pokrenula sudski spor vezano za istu nepokretnost i isti evidentirala kao zabilježbu u C - teretnom listu kod Zemljišno-knjižnog ureda. Kod takvog stanja mi ne možemo ništa raditi do okončanja sudskog spora. To je razlog što predlažeo da se ova tačka povuče sa dnevnog reda.

Adem Efendić – Predlažem da se tačka 11. Informacija o izvršenju Budžeta općine Ilijaš za period 01.01. - 30. 09. 2013.godine razmatra prije Nacrta Budžeta općine Ilijaš za 2014.godinu.

Predsjedavajući Mahir Dević – Pročitao je dnevni red, te je OV-e jednoglasno usvojilo slijedeći

DNEVNI RED:

1. Vijećnička pitanja i inicijative
2. Izvještaj o realizaciji zaključaka sa 12. sjednice OV-a
3. Informacija o aktuelnom stanju u oblasti zdravstva na području općine Ilijaš
4. Informacija o izvršenju Budžeta općine Ilijaš za period 01. 01. - 30. 09. 2013. godine
5. Nacrt Budžeta općine Ilijaš za 2014. godinu
6. Nacrt Odluke o izvršavanju Budžeta općine Ilijaš za 2014. godinu
7. Nacrt Odluke o građevinskom zemljištu
8. Prijedlog Odluke o pristupanju izradi Regulacionog plana "Savića Brdo"
9. Prijedlog Odluke o prodaji zemljišta u obuhvatu Industrijske zone "Luke" u Ilijašu
10. Prijedlog Odluke o odbijanju ponude o preuzimanju neizgrađenog građevinskog zemljišta – K.O. SP_Donja Vogošća
11. Prijedlog rješenja iz imovinsko-pravne oblasti:
 - a) broj 06/1-31-701/13 od 13. 11. 2013. godine
 - b) broj 06/1-31-915/13 od 13. 11. 2013. godine
 - c) broj 06/1-31-934/13 od 13. 11. 2013. godine
 - d) broj 06/1-31-954/13 od 13. 11. 2013. godine
 - e) broj 06/1-31-1007/13 od 14. 11. 2013. godine
12. Informacija o stanju poljoprivrede na području općine Ilijaš
13. Informacija o bespravnoj izgradnji i sanaciji bespravno izgrađenih objekata

AD-1

Vijećnička pitanja i inicijative

AIDA MALIŠEVIĆ – vijećnica Stranke za Srednje

Pitanja:

1. Šta je sa Regulacionim planom Srednje, dokle se stiglo, radi li se šta vezano za ovaj plan ili ne?
2. Vezano za odgovor za vijećničko pitanje o obilježavanju naseljenih mjesta želim

istaći da upravo ono što je navedeno u odgovoru, a tj. da bi obilježavanjem naseljenog mjesta brzina kretanja motornih vozila morala da bude maksimalno 50 km/h i odgovara stanovnicima mjesta Moševići, Nišići i dr.
Molim Vas da se u što kraćem roku i ova dva mjesta obilježe tablom naseljenog mjesta.

SELMA PUŠINA – vijećnica SDA

Inicijativa:

1. Pokrećem inicijativu vezanu za obezbjeđivanje parking mjesta naselja Banovac.

Građani Banovca koji žive u blizini tržnog centra “Bingo” postavljanjem postojeće pijace izgubili su parking mjesta. Ovom inicijativom se obraćam načelniku i nadležnoj službi da se u skorije vrijeme obezbjedi parking na navedenoj lokaciji.

AKIF BEŠLIJA – vijećnik SBB BiH

Inicijativa:

1. Pokrećem inicijativu, a na zahtjev građana za izradu gradske vodovodne mreže u Malešićima iznad Berovića gdje isti nastanjeni.

Obrazloženje: Devet stambenih objekata udaljeni su od gradskog vodovoda 100 m počev od prve kuće, a ukupna dužina je 300 m. Neophodno je postaviti pumpe za izbacivanje vode zbog visinske razlike sa glavnom pumpom i bazenom na Karašnici.

Postoji vodovodna mreža za šumsku vodu, ali već par godina od maja ili jula vode nestane sve do kraja oktobra. Tako da su građani u tom periodu bez vode.

Sem ljudi koji tu žive, odraslih i male djece, skoro sve porodice se bave poljoprivredom. Cijelo ljeto se voda dovlačila traktorima do kuća. Obzirom da Nacrtom Budžeta za 2014. godinu nije uvrštena ova investicija, potrebno je istu uvrstiti i planirati sredstva.

ADEM EFENDIĆ – vijećnik SBB BiH

Inicijative:

1. Pokrećem inicijativu za hitno postavljanje modernih autobuskih nadstrešnica na stajališnim zonama i to: Ljubnići, Podlugovi i Stari Ilijaš. Tražim da nadležna općinska služba razmotri ovu inicijativu, a potom uputi zahtjev nadležnom ministarstvu Kantona Sarajevo i FBiH, tj. Kantonalnoj direkciji za puteve i JP Ceste FBiH.

Obrazloženje: Na nekim autobuskim stajalištima ne postoje nikakve nadstrešnice, a na istim je svakodnevno veliki broj građana koji koriste autobuski prijevoz, a najviše studenti i učenici osnovnih i srednjih škola koji svakodnevno putuju autobusom.

Navest ću primjer autobuskog stajališta u Ljubnićima gdje u jutarnjim satima, na kiši i snijegu, četrdeset je onih koji čekaju i putuju autobusom.

2. Pokrećem inicijativu za prijenos utakmica sa Svjetskog fudbalskog prvenstva iz Brazila jun/juli 2014. godine na video zidu.

Općinskom načelniku, nadležnoj općinskoj službi i nadležnoj općinskoj komisiji OV-a Ilijaš na razmatranje i realizaciju inicijative za prijenos utakmice sa Svjetskog fudbalskog

prvenstva iz Brazila na video zidu na zgradi KSC i Radio Ilijaš.

Obrazloženje: Zainteresovanost velikog broja građana općine Ilijaš zbog utakmica koje će igrati reprezentativci Bosne i Hercegovine.

Pitanje:

1. Tražim od JKP "Vodostan" d.o.o. Ilijaš da mi dostavi kopiju ugovora o zakupu postavljenih antena na objektu JKP "Vodostan" d.o.o. Ilijaš koje je postavila firma "DASTO SEMTEL" d.o.o. Bijeljina. Odnosi se na postavljene antene za prijenos bežičnog signala za Internet.

Obrazloženje: Uvidom u ugovor razriješili bi se dileme opravdanosti postavljenih antena na pomenutom objektu.

NIJAZ RASTODER – vijećnik LDS-a

Pitanja:

1. Zašto se ne uklanja snijeg sa dijela ceste u Novom Naselju prema starom Župnom uredu, a znamo da tamo ima šest kuća koje ostaju odsječene od ceste kad padne snijeg. U toj ulici ima dvoje nepokretnih ljudi koji su svakodnevno ovisni o ljekarskoj pomoći, a i smeće se ne može odvoziti kada se put ne pročisti?

2. Kako se dodjeljuju socijalne pomoći, iako imamo komisiju Općinskog vijeća koja je zadužena za razmatranje zahtjeva i odobravanje jednokratne pomoći? Dešava se da načelnik ili neko iz nadležne službe, mimo komisije, dodijele jednokratnu pomoć što vjerovatno imaju pravo propisanim aktima, ali se o tome ne obavještava komisija.

Kako je moguće da neko prođe na komisiji i dodijeli se jednokratna pomoć, javi se toj osobi da dostavi broj žiro-računa još 20. maja, a da ni do danas ne dobije tu pomoć, primjerice radi se od osobi Terović Fati, vjerovatno ih ima još, ali mi ne znamo za to?

Zato pokrećem inicijativu da se komisija obavezno izvještava ko je dobio pomoć za prošli mjesec da se ne bi dešavalo da isti ljudi dobivaju više puta jednokratnu pomoć, a ostali nikada i da se više ne bi dešavali ovakvi propusti.

Inicijativa:

1. Molim načelnika, ako nije prodao ono terensko auto, pošto vidimo da se pokazao kao dobar trgovac, da se provoza za ovim iz Elektro distribucije koji po pojedinim naseljima mijenjaju postojeću i postavljaju novu, bolju elektro-mrežu što uopšte nije loše, primjerice u Malešićima i to da utvrdi koliku su štetu načinili građanima i samoj Opštini Ilijaš uništivši puteve kojim su prolazila njihova teretna mehanizacija, te stoga tražim od načelnika da hitno reagira da se ti putevi odmah saniraju kako se ne bi opteretio Budžet Općine Ilijaš za popravku istih.

FAHIR HASANOVIĆ – vijećnik SDA

Pitanje:

1. Šta je sa upražnjenim mjestom u općinskoj izbornoj komisiji, a koje je ostalo upražnjeno smrću rahmetli Rašida Medića?

BESIM GLJIVA – vijećnik Stranke za Srednje

Inicijative:

1. Obzirom da je zimska sezona tek nastupila, molim da preduzeće koje održava puteve vodi računa oko poledica koje su konstantne na gornjem području Općine Ilijaš sa akcentom na puteve Čevljanovići-Vrutci-Dragoradi i Nišići-Crna Rijeka kojima saobraćaju autobusi za prevoz đaka i ostalih. Takođe voditi računa prilikom čišćenja lokalnih puteva da se ne zatvaraju prilazi kućama, garažama i gospodarskim objektima.
2. Želim upozoriti, jer to smatram građanskom obavezom, a i građani sve češće postavljaju pitanje šta se to dešava sa šumama na gornjem području općine Ilijaš. Naime, zbog ne usvajanja Federalnog zakona o šumama nad šumama Ilijaša, sa akcentom na radilište Srednje i Gajevi se vrši klasični masakr. Nema više šumokradica, jer do sada su oni bili pravdanje za neplansku sječu ili plansku u skladu sa friziranim planovima. Molim Vas da, kako bi se uvjerali u moje navode, prohodate ovim terenima i uvjerite se da nema stabla debljeg od 40 cm, a i ona su rijetka.

HALID DIZDAREVIĆ – vijećnik SDA

Pitanje:

1. Dokle se došlo sa izradom projektne dokumentacije za dječije igralište na lokalitetu Banovac – između A1 i A2 zgrade i postoji li ista? Ukoliko ista ne postoji, molim da nadležna služba izradi projektnu dokumentaciju i da se u Nacrtu budžeta za 2014. godinu planiraju sredstva za izgradnju dječijeg igrališta. Da li će to biti manje igralište sa nekim rekvizitima kao što su: tobogani, klackalice ... ili košarkaško ili nogometno igralište, svejedno.
Imajte na umu da MZ Ilijaš Grad nema sportsku plohu niti dječije igralište.

NAPOMENA: Na jednoj od prethodnih sjednica OV-a sam pokretao inicijativu vezanu za izradu projektne dokumentacije o izgradnji dječijeg igrališta.

ALAN ŠERAK – vijećnik SDP-a

Pitanja:

1. Zašto se ne vrši zagrijavanje sportske dvorane u Ilijašu? Načelnik je svojim operativnim planom predvidio rješavanje ovog dugogodišnjeg problema na zadovoljstvo građana i udruženja koji koriste istu.
2. Tražim da se dostavi Operativni plan održavanja lokalnih cesta u zimskim uvjetima svim vijećnicima sa utvrđenim prioritetima i punktovima dežure kao i raspoloživom mehanizacijom i kadrovskim rješenjima.

AD-2

Izveštaj o realizaciji zaključaka sa 12. sjednice OV-a

Predsjedavajući Mahir Dević – Na prošloj sjednici smo donijeli zaključak u kojem zahtjevamo od Elektro distribucije Sarajevo da u roku od deset dana od dana prijema ovog zaključka dostavi Općinskom vijeću Ilijaš program mjera i program rješenja koji će

garantovati uredno snabdijevanje Ilijaša električnom energijom. Do sada nismo dobili nikakav odgovor.

U međuvremenu smo ponovo imali jednu krađu kabla i nestanak električne energije. Takođe, dobio sam provjerenu informaciju da su prilikom redovnog održavanja mreže, a nešto su radili na auto-putu vrlo uredno i jasno prebacili struju sa trafoa iz Breze za Ilijaš i mi to nismo osjetili.

Predlažem da ponovo donesemo zaključak da oni nama dostave materijale koje smo tražili, ili da idem u pravcu tematske sjednice na koju bi pozvali inspektore FERK-a.

Otvaram raspravu po ovom pitanju.

Nedim Matoruga – Predlažem da se mi još jednom obratimo JP Elektroprivreda BiH – Elektrodistribucija Sarajevo gdje ćemo ih informisati da smo ih zamolili da nam dostave program i plan i da su se oni oglašili o to i da ćemo ukoliko se to ponovi u narednom periodu (možda 10 dana) biti primorani da obavijestimo druge nadležne institucije.

Trebamo zahtijevati da se neko ovdje pojavi iz uprave.

Predsjedavajući Mahir Dević – predlažem da se ponovo uputi zaključak sa prethodne sjednice, a u obrazloženju da se navede, ukoliko ne odgovore u roku od 15 dana, da ćemo preduzeti sve pravne radnje i obavjestiti nadležne institucije i sve relevantne za rješavanje ovog problema koji građani općine Ilijaš više neće trpjeti.

OV-e je jednoglasno donijelo slijedeći

Zaključak

1. JP Elektroprivreda BiH – Elektrodistribucija Sarajevo ponovo uputiti zaključak sa 12. sjednice Općinskog vijeća Ilijaš.
2. Ukoliko JP Elektroprivreda BiH – Elektrodistribucija Sarajevo ne dostavi odgovor u roku od 15 dana od dana prijema ovog zaključka, Općinsko vijeće Ilijaš će preduzeti sve pravne radnje i obavjestiti nadležne institucije i sve relevantne za rješavanje ovog problema koji građani općine Ilijaš više neće trpjeti.

Predsjedavajući Mahir Dević - Također, na 12. sjednici, zbog proceduralne greške predsjedavajućeg, nismo glasali za zaključak kolege Nijaza Rastodera. Sada predlažem da glasamo za ovaj zaključak koji glasi da menadžment JU "Kulturno-sportski centar i Radio Ilijaš" u saradnji sa općinskom Službom za društvene djelatnosti u roku od 30 dana napravi Pravilnik o kriterijima za korištenje resursa Sportske dvorane u Ilijašu i raspodjeli termina.

OV-e je jednoglasno donijelo slijedeći

ZAKLJUČAK

Da menadžment JU "Kulturno-sportski centar i Radio Ilijaš" u saradnji sa općinskom Službom za društvene djelatnosti u roku od 30 dana napravi Pravilnik o kriterijima za korištenje resursa Sportske dvorane u Ilijašu i raspodjeli termina.

Predsjedavajući Mahir Dević – Od strane predsjedavajućeg Damira Filipovića je takođe bio predložen zaključak, a obzirom da on trenutno nije prisutan na sjednici, predlažem da glasanje za ovaj zaključak ostavimo za iduću sjednicu kako bi nam dao obrazloženje za

isti. OV-e je podržalo ovaj prijedlog

Zatim je predsjedavajući dao na glasanje predloženi izvještaj.

OV-e je jednoglasno usvojilo

Izvještaj o realizaciji zaključaka sa 12. sjednice OV-a

Zamjenik predsjedavajućeg Mahir Dević je naglasio da je napravljena proceduralna greška, jer na početku sjednice nije usvojen zapisnik sa prethodne sjednice, te je predložio da se usvajanje zapisnika ostavi za narednu sjednicu. OV-e je podržalo ovaj prijedlog.

AD-3

Informacija o aktuelnom stanju u oblasti zdravstva na području općine Ilijaš

Predsjedavajući Mahir Dević – pozdravio je i zahvalio se na dolasku na sjednicu direktorici JU Dom zdravlja Kantona Sarajevo dr. prim. Dženani Tanović, predstavniku Zavoda za hitnu medicinsku pomoć dr. Amra Bašić-Vujadinović, predstavniku Zavoda zdravstvenog osiguranja Kantona Sarajevo dr. Abulkerimu Fazliću i direktoru Doma zdravlja Ilijaš dr. Nijazu Šitkovcu.

Također je kazao da su na temu zdravstva razgovarali u proteklom periodu (kolegij i načelnik) i definisali određene zaključke koji su se u međuvremenu u velikoj mjeri realizovali. To su bili zaključci vezano za otvaranje ambulate u Mrakovu, aktivnosti nabavke rentgen aparata za DZ Ilijaš, kadrovska popunjavanja u smislu druge smjene pedijatrije, u smislu popunjavanja određenog broja dana u ambulantama Kamenica i Gajevi i sam objekat JU Doma zdravlja. Ovo bi bile teme o kojima bi danas trebalo razgovarati i apelovao je da se danas pokuša razmotriti inicijativa koju je pokrenuo i načelnik i zajedno u saradnji sa Domovima zdravlja KS, ministarstvom, direktorom OJ Dom zdravlja Ilijaš da se usvoji neka vrsta zaključaka da svi ovi relevantni faktori povedu računa, obzirom da je vrijeme izrade budžeta, da se planiraju sredstva tripartitnog finansiranja ili više, a vezano za nadogradnju trećeg sprata na objektu Doma zdravlja Ilijaš i ovaj dio zgrade općine gdje bi se krenulo u osposobljavanje prostora za eventualno otvaranje Centra za mentalno zdravlje i fizijatrije.

Zamolio je kolege vijećnike da budu konkretni, da postavljaju pitanja i da iskoriste priliku ovako relevantnih predstavnika koji mogu da odgovore o problematici i zaštiti zdravlja na području općine Ilijaš.

Direktor OJ Dom zdravlja "Ilijaš" - dr.Nijaz Šitkovac – Ovakvu sličnu sjednicu smo imali u proljeće i tada je bilo puno problema i bilo je puno teže govoriti nego danas. Danas sam došao prilično zadovoljan i relaksiran, jer su mnoge stvari koje smo imali kao problem riješene. Ono što nas je opterećivalo u tom periodu jeste manjak kadra u porodičnoj medicini. To se u međuvremenu riješilo i sada imamo skoro puni kapacitet ljekara u porodičnoj medicini i ostaje nam potreba za pomoć u Podlugovima gdje treba još jedan tim i nadam se da ćemo to uskoro riješiti, a vidjet ćemo kako će se odvijati ovo vezano za ambulantu u Mrakovu.

Bilo je puno inicijativa za ambulate u Kamenici i Gajevima da se pokrene da ambulate rade dva dana u sedmici. Sa ovim se to riješilo i mislim da su stanovnici u Kamenici prilično zadovoljni, jer ambulanta radi dva dana, a u Gajevima jedan dan u sedmici.

Ono što nas je opterećivalo jeste i nedostatak pedijatra. Ova informacija je za period od devet mjeseci i nije navedeno da je obezbjeđen pedijatar i da se radi i prva i druga smjena.

Normativi ne dozvoljavaju da imamo na školskom odjeljenju dva ljekara, ali zahvaljujući dobroj saradnji pedijatrije i školskog odjeljenja, oni funkcionišu uvezano, tako da imamo i školsko odjeljenje i u prvoj i drugoj smjeni.

Što se tiče rentgen aparata svi smo učinili što je bilo moguće, a ostalo su administrativni problemi. Naime, problem je oko tendera, neko je uložio žalbu i sada je to kod ureda za žalbe. Mi na to ne možemo uticati.

Zahvaljujemo se i vijećnicima i načelniku, jer smo napravili velike pomake u zdravstvu. Ako se realizuje sve ovo što je planirano, mi ćemo zaokružiti dvije službe koje su neophodne u Ilijašu, a to je centar za mentalno zdravlje i fizikalna rehabilitacija. Prostorni kapaciteti nas u tome ograničavaju i ako se ovo realizuje, imat ćemo ono sve što nam ovdje treba.

Otprilike je ovo šta se dešavalo od prethodne do ove sjednice vijeća i mogu zaključiti da je stanje prilično zadovoljavajuće i da sam ja kao direktor ove OJ zadovoljan.

Direktorica DZ Kantona Sarajevo prim. Dženana Tanović – Zahvaljujem se na podršci i načelniku i vijećnicima da se stanje u zdravstvu poboljša. Menadžment JU čini sve da naši korisnici izađu zadovoljni iz naših ustanova i trudimo se da Vaše primjedbe ozbiljno shvatimo i da udovoljimo svim primjedbama koje su realne. Na početku mog mandata imali smo sastanak gdje su postavljeni zahtjevi koliko ljekara gdje treba da se primi. Međutim, svi smo zajedno analizirali i rekli koji je to normativ za tim porodične medicine i koliko je to stanovnika (1800 stanovnika na tim porodične medicine) i da od toga ne možemo odstupati. Ovdje imate razuđen teren i u tom slučaju možemo dati jedan ili dva više timova i to su Kamenica i Gajevi. To pokrivamo prema vašim željama, dva puta Kamenica i jednom sedmično Gajevi. Što se tiče porodične medicine, po zadnjim statističkim podacima Ilijaš ima 19100 stanovnika starijih od 19 godina i po tom proračunu DZ Ilijaš treba 11-12 timova porodične medicine. Sada smo to pokrili i mislim da je to optimalan broj i da će ljekari moći imati dovoljno vremena za svakog pacijenta i pružiti kvalitetnu uslugu.

Uvijek ćemo se zalagati da općina Ilijaš bude pokrivena sa maksimalnim brojem kadra. Što se tiče hitne pomoći u toku dana znate našu problematiku vezano to. To je ogroman teret koji nam otežava svakodnevni proces rada i to moramo rješavati na nivou ministarstva, hitne medicinske pomoći, zavoda i doma zdravlja. Uložiti ćemo sve napore da to pokušamo riješiti. Direktori domova zdravlja Hadžići, Ilijaš i Vogošća su napravili jedan protokol pružanja hitne medicine pomoći i mi ćemo to proslijediti ministarstvu i hitnoj medicinskoj pomoći i da vidimo njihovo mišljenje i pokušamo to riješiti.

Što se tiče rentgen aparata, od avgusta je uložena žalba i to stoji u uredu za žalbe. Napravili smo pismenu urgenciju da vidimo šta je sa tim, ali još nismo dobili odgovor.

Pozdravljam inicijativu za nadziđivanje objekta doma zdravlja.

Predstavnik Zavoda zdravstvenog osiguranja dr. Abdulkarim Fazlić – kazao je da je Zavod direktno učestvovao po pitanju rentgen aparata i da nekih novih informacija nema.

Predstavnik Hitne pomoći prim. dr. Amra Bašić-Vujadinović – Zavod za hitnu medicinsku pomoć je javna ustanova kojoj je osnivač Skupština Kantona Sarajevo. Skupština Kantona Sarajevo određuje djelatnost i svako proširenje djelatnosti u koju spada i proširenje radnog vremena. Za izmjenu osnivačkog akta se treba obratiti njima. Mi pružamo dežurstvo od 20h do 08h svakim radnim danom, subotom, nedjeljom i praznicima. Naša unutrašnja kontrola pokazuje zadovoljstvo korisnika našim uslugama. Moram reći da shvatam problem što se tiče hitnih medicinskih intervencija u toku perioda kada hitna pomoć ne pokriva to dežurstvo, ali moram istaći dobru saradnju sa kolegama iz DZ Ilijaš i iz područnih porodičnih ambulanti koji izađu na intervenciju do dolaska hitne medicinske

pomoći. Mi nikada nismo odbili da dođemo na intervenciju, ali smo svjesni razdaljine i vremenske instance koja nam treba. Prvu medicinsku pomoć zna da pruži svaki ljekar. Da li će doći do 24-satnog dežurstva mi ne odlučujemo o tom, ali ako do toga dođe mi ćemo biti spremni, nadamo se da će nam biti obezbjeđena novčana sredstva koja su potreba za 24-satnu dežuru, jer je potrebno da se zaposli 2,5 tima više, potrebno je još jedno auto. Tako da, ako do toga dođe, na zadovoljstvo i vas i nas, mi ćemo i dalje pružati usluge one koje su potrebne građanima općine Ilijaš.

Sanja Zagorac-Jozić – Svi dosadašnji govornici su rekli i zaokružili sliku o trenutnom stanju u oblasti zdravstvene zaštite na području općine Ilijaš. Ja ću samo zamoliti vijećnike da ovu diskusiju usmjerimo progresivno u pravcu daljeg unapređenja u oblasti zdravstva. Ono što nam predstoji, jeste nadziđivanje dva sprata objekta DZ Ilijaš gdje bi sa jednim liftom dobili dva nova centra – centar za mentalno zdravlje i fizikalnu rehabilitaciju i zaista ovo pitanje 24-satnog dežurstva koje smo mi u više navrata, što kao služba i kao OV-e Ilijaš upućivali i Skupštini Kantona Sarajevo, Ministarstvu zdravstva Kantona Sarajevo i Zavodu hitne medicinske pomoći i argumentovali dužinom svih puteva, od auto-puta do preko 300 km lokalnih puteva koji prolaze kroz općinu Ilijaš, a takođe i udaljenost od Zavoda za hitnu medicinsku pomoć gdje je za intervenciju tim ekipama potrebno 45 minuta, a ekipe iz doma zdravlja koje odu na intervenciju tada jedan tim porodične medicine svoje pacijente u čekaonici zadržava po nekoliko sati. Mislim da imamo uslove, a prije svega, posljednji popis pokazuje da imamo preko 20.000 stanovnika što je osnovni standard, a nedavno je na vijećničku inicijativu odgovoreno da se čeka donošenje pravilnika o radnom vremenu koje treba da donese Federalno ministarstvo i ja očekujem u najskorije vrijeme da mi uspijemo dobiti taj drugi tim u prvoj smjeni bez obzira na finansijska ulaganja koja to iziskuje.

Mahir Dević – Ja ću kao zamjenik predsjedavajućeg svjedočiti da smo mi nakon onog sastanka organizirali sastanak sa direktoricom DZ KS i Zavodom zdravstvenog osiguranja i svi naši zaključci su realizovani, ili je realizacija u toku što nekada ne ovisi od nas, kao što je vrsta žalbe koja se nalazi u Uredu za žalbe.

Nedim Matoruga – Možemo konstatovati da je situacija znatno bolja, nego što je nekada bila kada je u pitanju zdravstvo. Predložiti ću nama vijećnicima da iznađemo tačnu proceduru, jer očigledno da do sada nismo bili upoznati sa načinom kako doći do 24-satnog dežurstva hitne pomoći. Dakle, treba nam tačna instrukcija šta treba da se uradi, koje su odluke i ko treba da ih donese da bi mi dobili 24-satnu dežuru. Imamo argument novoizgrađenog auto-puta i moramo se pripremiti. Moj prijedlog je da pripremimo inicijativu prema Skupštini Kantona Sarajevo da se pokrene aktiviranje 24-satnog pokrivanja općine Ilijaš uslugom hitne medicinske pomoći. Drugo, zamolio bih direktoricu DZ Kantona Sarajevo, predstavnike Zavoda i ostale prisutne, da imate u vidu, ako se krene u projekat dogradnje objekta DZ Ilijaš, da općina Ilijaš ima vrlo nizak budžet i sredstva koja bi općina trebala izdvojiti u tom smislu vrlo vjerovatno je da će to biti nemoguće za ostvariti, tako da pomognete da u što kraćem roku dobijemo te prostorije koje nedostaju DZ Ilijaš. Što se tiče pokrivenosti kadrom drago mi je da čujem da po normativima imamo 100% popunjenost stručnim kadrom i zahvaljujem se svima koji su odgovorni za ovo.

Mahir Dević – Nakon diskusija napraviti ćemo pauzu, kako bi definisali zaključke prema svim relevantnim institucijama.

Enes Dizdarević – Drago mi je da se stanje popravilo u oblasti zdravstva na području

općine Ilijaš. Želim postaviti pitanje direktoru DZ Ilijaš, a to je da li su u funkciji dva EKG aparata, jer se dešavalo da prilikom pregleda pacijenata oba stanu? Takođe i ja ću iskoristiti priliku i zamoliti vas da pomognete u finansijskom smislu prilikom nadogradnje objekta DZ Ilijaš za fizikalni centar.

Selver Herić – Sve smo čuli u izlaganjima gosta, od pedijatrije, fizikalne terapije, RTG aparata i ostalo, ali ja bih se dotakao ambulate u Srednjem. Mislimo da to područje nije adekvatno zbrinuto kada je u pitanju zdravstvo. Ako se ne može obezbijediti punkt hitne pomoći, onda da u okviru ambulate obezbijedite 24-časovno dežurstvo. Smatramo da naši radnici, poput Aide Mališević, naši tehničari, mogu adekvatno pružiti prvu pomoć kao i mnogi ljekari i mislimo da je neophodno dežurstvo u Srednjem. Na vama je da iznađete način kako to učiniti. Ako pacijent 50 km stanuje od DZ u Ilijašu, subotom i nedjeljom ide na injekcije, onda mora ići u Ilijaš, a u Ilijašu je radnik koji radi u ambulanti u Srednjem. Znači, dežurni je u Ilijašu osoba koja je zaposlena u Srednjem. Stoga neka taj dežura u Srednjem što bi dobro bilo i za pacijente.

Što se tiče apoteke, prilikom godišnjih odmora radnik apoteke u Srednjem koristi godišnji odmor, apoteka se zatvori, jer nema niko da ga zamjeni. Ako ne može svaki dan da neko mijenja tog radnika, onda bar dva dana u sedmici da se nađe zamjena.

Adem Efendić – Volio bih da se i današnji zaključci koje donesemo realizuju u što kraćem roku. Direktor je organizacijski uredio OJ Dom zdravlja i građani se ne žale sa onim čime raspolaže i to je primjetno i hvala mu, ali i dalje je mali broj zdravstvenih radnika kada su u pitanju Podlugovi. Jedan tim ne može opslužiti 8000 stanovnika koji gravitiraju toj ambulanti, a pomenut ću i Mrakovo, jer treba riješiti pitanje apoteke, jer mnogi građani neće da se liječe u ambulanti Mrakovo zato što ne postoji apoteka.

Kada je u pitanju RTG aparat, kod nas su se četiri godine kroz budžet provlačila sredstva za ovaj aparat. Iza ove govornice, iza promotivnih nastupa doktora Gavrankapetanovića bilo je obećanje da će to biti riješeno u ovoj godini. Gdje smo sada, dokle smo došli predstavnici zavoda? Sredstva postoje, ali mi ne možemo čekati proceduru. Nekada su plasirane priče i o polovnom aparatu. Znači, vidjeti da se pitanje RTG aparata što hitnije riješi.

Kada je u pitanju hitna pomoć, nama je više puta odgovor stizao od direktorice hitne pomoći ovo što je predstavica hitne govorila, ali mi smo zatajili što se nismo obraćali onome ko je nadležan za JU Hitna pomoć. Prije par dana sam bio u domu zdravlja gdje jedan tim opslužuje tri ambulate, a hitnu imamo u dnevnim satima i nemoguće je da oni sve stignu, te je neophodno što hitnije pristupiti rješavanju ovog problema.

Nijaz Mašić – Kada je u pitanju hitna pomoć, je li to i sada imamo samo jedno dežurno vozilo. U svojoj praksi sam imao tri puta potrebu, jednom je otišlo vozilo, drugi put je dijete bilo u pitanju, a posljednji put u julu mjesecu bio sam ja u situaciji i još jedan pacijent koji smo trebali hitnu pomoć, a kazali su da ne mogu otići i ostati bez vozila. Tu je bilo i povrede etike pored vozila koje treba nabaviti i imati rezervno, ljekar je odradio svoje, medicinska sestra, u prisustvu moje porodice je kazala zašto da vozimo ovog pacijenta sa žučnom kesom, jer ima prečih. Dakle, to vozilo je jako potrebno. Kada je u pitanju DZ u Vrazovu, mogu reći da su previše opterećeni ljekari porodične medicine, ali nisam siguran da su previše opterećeni specijalisti, jer se pregledi zakazuju i dugu se čeka. Ako ti je neka hitnost, pa odlučiš da odeš u privatnu polikliniku, tamo budeš odmah uslužen. Ovdje ne mogu razdvojiti ljekare koji rade po ugovoru o djelu, da li ima iz DZ Vrazovo, ali iz državne bolnice ima i kliničnog centra. Poslije radnog vremena taj isti ljekar je tu i još ako si naivan, ideš prvi put, pa ti uradi više pregleda kako bi više naplatili. Ako ima potrebe za

ultrazvučnim pregledima ili nekim specijalistima za kojima građani ispoljavaju potrebe moraju se primati radnici, a ako ima potrebe neka ljekari rade produženo pa mu vi platite, a ne da ide privatno raditi. O ovome treba povesti računa i to ne može jedan direktor riješiti, nego svi treba da udružimo snage.

Nijaz Rastoder – Kada ćemo mi dobiti internistu u Ilijašu? Ja sam srčani bolesnik, i svaku drugu godinu budem po 20 dana trećoj internoj, ali kada bi me osoba koja je trenutno u DZ Ilijaš liječila poslije bolnice, ja bih davno umro. Ako u otpusnom pismu dobijem da trebam ići na savjetovalište i treba mi uputnica od interniste, a on kaže, ne treba da idete gore, ja ću vas liječiti. Poslije toga idem privatnicima kako bih ušao u sistem liječenja. Znači, direktorice treba da nešto uradite sa tom doktoricom po pitanju etike. Ovo je istina i ja apsolutno nemam zdravstvenog kartona kod te doktorice.

Akif Fazlić (općinski načelnik) – Jako sam zadovoljan ovakvom vrstom diskusije, ovakvim objektivnim pogledom kada je u pitanju zdravstvo kao jedna od ključnih oblasti kvaliteta življenja generalno, a onda i na području općine Ilijaš. Mislim da smo identificirali najbitnije stvari koje trebamo u narednom periodu pokušati realizirati. Želim se zahvaliti svim predstavnicima institucija zdravstva koji su ovdje i daju nam podršku da ove mnoge stvari riješimo. Čini mi se da smo pobrojali nekoliko ključnih stvari koje jesu bitne, a to je da u okviru DZ Ilijaš osposobimo objekat za još neke funkcije koje treba da se dese, a to znači da je potrebno da objekat nadzidamo i stvorimo prostor. Kroz nacrt budžeta smo naznačili kao jedan od prioritetnih projekata s aspekta općine Ilijaš u pogledu na pitanje zdravstva. Osim našeg budžeta nastojat ćemo i kroz druge aktivnosti da probamo obezbijediti konstrukciju finansiranja da u 2014. godini to uradimo. Ono što nam je pomalo teže, a naglasio je predsjedavajući, jeste da preko Skupštine Kantona pokušamo popraviti stanje kada je u pitanju hitna pomoć i u Ilijašu i u Srednjem. U tom kontekstu i očekujem zaključke, jer zdravstvo će biti prioritet djelovanja općine Ilijaš i u narednom periodu.

Predsjedavajući Mahir Dević – Na bazi svih diskusija ja sam pripremio prijedloge zaključaka kako slijedi:

1. Zadužuje se Služba za društvene djelatnosti da pripremi obrazloženje i zaključak OV-a da se uvrsti tačka dnevnog reda na Skupštinu Kantona Sarajevo za donošenje Odluke o produženju radnog vremena hitne pomoći u OJ Ilijaš na 24-časovno radno vrijeme (zaključak dostaviti Kolegiju Skupštine Kantona Sarajevo, predsjedavajućoj Skupštine Kantona Sarajevo, zamjenicima predsjedavajuće Skupštine Kantona Sarajevo, klubovima vijećnika stranaka koji participiraju u Skupštini Kantona Sarajevo, Ministarstvu zdravstva Kantona Sarajevo, Zavodu zdravstvenog osiguranja i JU Hitna pomoć Kantona Sarajevo).
2. Zadužuju se slijedeće institucije da u svojim finansijskim planovima/budžetima za 2014. godinu razmotre mogućnost uvrštavanja nadogradnje Doma zdravlja u Ilijašu, prije svega Općina Ilijaš, JU Dom zdravlja Kantona Sarajevo u saradnji sa organizacionom jedinicom Ilijaš, Ministarstvo zdravstva Kantona Sarajevo, Federalno ministarstvo zdravstva i Zavod zdravstvenog osiguranja. Ovaj zaključak dostaviti Ministarstvu zdravstva Kantona Sarajevo, JU Dom zdravlja Kantona Sarajevo, JU OJ Dom zdravlja Ilijaš, Općina Ilijaš, Federalnom ministarstvu zdravstva i Zavodu zdravstvenog osiguranja.
3. Da Direktor Doma zdravlja Ilijaš u saradnji sa JU Dom zdravlja Kantona Sarajevo razmotri mogućnost uvođenja druge smjene radnog vremena Doma zdravlja na lokalitetu Srednje do 20h. Zaključak proslijediti Direktoriju Doma zdravlja Ilijaš i JU Dom zdravlja Kantona Sarajevo.

4. Da JU Apoteke Sarajevo vode računa o planiranju i korištenju godišnjih odmora, te da se zbog istih ne zatvara objekat apoteke u Srednjem. Zaključak proslijediti JU Apoteke Sarajevo.

Služba za društvene djelatnosti će pripremiti zaključke.

Nedim Matoruga – Imajući u vidu što je kolega Efendić pominjao da neki pacijenti neće da se prijavljuju u ambulantu Mrakovo zato što ne postoji apoteka, ja bih uputio zaključak prema Ministarstvu zdravstva Kantona Sarajevo uputiti zaključak da se odobri zahtjev za otvaranje apoteke u MZ Mrakovo, uz Dom zdravlja. Znači da ovo bude peti zaključak.

Uslijedila je pauza od pet minuta kako bi se zaključci definisali (11:50h).

Predsjedavajući Mahir Dević – pročitao je prijedlog zaključaka.

Adem Efendić – U prvom zaključku treba da se promjeni formulacija da se kaže da predlažemo Kolegiju Skupštine Kantona Sarajevo, a ne da kažemo da zadužujemo Kolegij Skupštine Kantona Sarajevo i nemojte da pominjemo klubove, jer Kolegij Kantonalne Skupštine zna šta treba raditi.

Predsjedavajući Mahir Dević – Želim da objasnim zašto dostaviti i klubovima koji participiraju u Skupštini Kantona Sarajevo. Njima dostavljamo radi izjašnjavanja, radi glasanja.

Zatim je dao na glasanje prijedloge zaključaka i OV-e je jednoglasno donijelo slijedeće:

ZAKLJUČKE

1. Predlažemo Kolegiju Skupštine Kantona Sarajevo da uvrsti tačku dnevnog reda o produženju radnog vremena Hitne pomoći u Organizacionoj jedinici Ilijaš na 24h radno vrijeme. Pripremu zaključka će uraditi Služba za društvene djelatnosti i proslijediti Predsjedavajućoj Skupštine Kantona Sarajevo, Zamjenicima, predsjednicima klubova parlamentarnih stranaka koje djeluju u Skupštini Kantona Sarajevo, Ministarstvu zdravstva Kantona Sarajevo, JU Hitna pomoć Kantona Sarajevo i Zavodu zdravstvenog osiguranja.
2. Zadužuju se slijedeće institucije da u svojim finansijskim planovima/budžetima za 2014. godinu razmotre mogućnost uvrštavanja nadogradnje Doma zdravlja u Ilijašu, prije svega Općina Ilijaš, JU Dom zdravlja Kantona Sarajevo u saradnji sa organizacionom jedinicom Ilijaš, Ministarstvo zdravstva Kantona Sarajevo, Federalno ministarstvo zdravstva i Zavod zdravstvenog osiguranja. Ovaj zaključak dostaviti na adresu navednih u zaključku.
3. Da Direktor Doma zdravlja Ilijaš u saradnji sa JU Dom zdravlja Kantona Sarajevo razmotri mogućnost uvođenja druge smjene radnog vremena Doma zdravlja na lokalitetu Srednje do 20h. Zaključak proslijediti Direktorima Doma zdravlja Ilijaš i JU Dom zdravlja Kantona Sarajevo.
4. Da JU Apoteke Sarajevo vode računa o planiranju i korištenju godišnjih odmora, te da se zbog istih ne zatvara objekat apoteke u Srednjem. Zaključak proslijediti JU Apoteke Sarajevo.
5. Ministarstvu zdravstva Kantona Sarajevo uputiti zaključak da se odobri zahtjev za

otvaranje apoteke u MZ Mrakovo, uz Dom zdravlja.

AD-4

Informacija o izvršenju Budžeta općine Ilijaš za period 01. 01 - 30. 09. 2013. godine

Merima Osmanović - U skladu sa odredbama člana 31. Odluke o izvršavanju Budžeta općine Ilijaš za 2013. godinu, Općinski načelnik je obavezan dostaviti Općinskom vijeću Informaciju o izvršenju Budžeta općine za period 01.01. do 30. 09. 2013. godine. U skladu sa navedenim Odredbama Služba za privredu, finansije i investicije je pripremila navedenu informaciju.

Osnovni elementi koji su sadržani u Informaciji su: prikaz planiranih i ostvarenih prihoda za navedeni period, prikaz planiranih i ostvarenih izdataka za navedeni period i objašnjenje pojedinih stavki iz Budžeta. Informacija sadrži i uporedne pokazatelje ostvarenih veličina tekuće godine sa ostvarenim veličinama iz prethodne godine i planiranim veličinama tekuće godine. Iz općeg dijela informacije je vidljivo da je Budžet općine Ilijaš za navedeni period ostvario 5.127.532,00 KM prihoda, što je 51 % od planiranih prihoda u Budžeta za 2013. godinu. Sa druge strane, ostvareni su izdaci u iznosu od 5.501.981,00 KM, što predstavlja 54% od planiranih izdataka u Budžetu za 2013. godinu. Prema tome ostvaren je deficit u iznosu od 374 449,00 KM.

Obrazloženje ostvarenog deficita Općine Ilijaš u periodu od 01.01. do 30.09.2013. godine

Prema odredbi člana 59. Zakona o budžetima u Federaciji Bosne i Hercegovine, rashodi i izdaci, kao i prihodi i primici evidentiraju se po načelu modificiranog nastanka događaja. Rashodi i izdaci se prema odredbi stava 2. istog člana, priznaju u onom periodu kada je obaveza za plaćanje nastala a prihodi i primici kada su mjerljivi i raspoloživi, odnosno kada su uplaćeni na račun trezora. Iz tog razloga je i nastao deficit u ovom obračunskom periodu, s obzirom da su primici po osnovu kredita za izgradnju Pješačke zone centar-Ilijaš i primici po osnovu prodaje PD Bijambare, evidentirani u ranijem obračunskom periodu (2011-2012.god.), a dio kapitalnih izdataka je nastao u periodu od 01.01. do 30.09.2013. godine, kao što se i vidi u pregledu u tabeli posebni dio Informacije o izvršenju budžeta Općine Ilijaš. S obzirom da je po Završnom računu za 2012. godinu ostvaren suficit po osnovu ovih prihoda, u 2013. godini je i planirano pokriće deficita upravo iz ovih sredstava. Porezni prihod od ukupno ostvarenih prihoda u izvještajnom periodu su ostvareni u procentu od 62% ili 739.738,00 KM. U ukupnoj strukturi ovih prihoda najveći prihodi su ostvareni po osnovu poreza na imovinu kao i poreza na promet nepokretnosti.

Kada se tiče neporeznih prihoda, u odnosu na ukupne prihode su ostvareni u procentu od 63% ili 1.097.271,00 KM. U ukupnoj strukturi ovih prihoda najveći prihodi su ostvareni po osnovu komunalnih taksi, te prihodi po osnovu naknada za izgradnju i uređenje građevinskog zemljišta i prihoda od pružanja javnih usluga.

U ukupnoj strukturi prihoda prihodi ostvareni po osnovu tekućih transfera kantona iznose 52 % u odnosu na plan. Tekući grantovi od Kantona se odnose na:

1. Redovni tekući transferi koji su iznosili 1. 763.550,00 KM
2. Transferi za posebne namjene u iznosu od 984.490,00 KM

U strukturi ovih namjenskih prihoda evidentirani su prihodi i to: prihodi od Ministarstva za

boračka pitanja za boračku populaciju po osnovu Zakona o dopunskim pravima boraca u iznosu od 167.815,00 KM, prihodi od Ministarstva obrazovanja Kantona Sarajevo u iznosu od: 387.856,00 KM, a odnose se na subvencioniranje prevoza učenika osnovnih i srednjih škola, prihodi Ministarstva privrede: Industrijska zona Luka 296.560,00 KM, korito rijeke Misoče 49.280,00 i korito rijeke Ljubine 29. 100,00 KM, Ministarstva zdrastva Kantona Sarajevo a odnose se na prihode za izgradnju ambulante Mrakovo u iznosu od : 31.911,00 KM i Fond Kantona – za održavanje šeh. grobalja 2.500,00 KM.

3. Primljeni grantovi od Federacije

Federalno ministarstvo prostornog Uređenja – utopljanje vrtića 50.000,00 KM i dislokacija stećaka sa Nekropole 11.536,00 KM

4. Primljeni grantovi od općina – Općina Centar – sanacija klizišta 20.000,00 KM - Općina Ilidža – sanacija klizišta 20. 000,00 KM

5. Tekuće potpore iz inostranstva

Sporazum o međusobnoj saradnji – grad STOCHOLM 4. 965,00 KM
(Centar za lokalni razvoj)

U ukupnoj strukturi prihoda, prihod po osnovu primitaka od prodaje stalnih sredstava su ostvareni u procentu od 40% ili 409.800,00 KM, a odnose se na prihode po osnovu prodaje zemljišta u vlasništvu općine.

Kada se tiče rashodovne strane Bruto plaće i naknade uposlenim izvršene su u iznosu od 1. 134.692,00 KM i predstavlja 72 % planiranih sredstava na godišnjem nivou. Sredstva za bruto plaće ostvarena su u procentu od 73 % od planiranih, dok su sredstva za naknade uposlenim ostvarena sa 70 %. Doprinosi poslodavca izvršeni su u iznosu od 101.894, 00 KM i u okviru su planiranih sredstava na godišnjem nivou.

Izdaci za materijal i usluge izvršeni su u iznosu od 551.491,00 KM što je 62 % planiranih sredstava na godišnjem nivou. Struktura ove grupe izdataka je analitički prikazana u “posebnom dijelu”, i nema značajnih odstupanja i oscilacija u odnosu na plan Budžeta za 2013. godinu.

Kada se tiče pozicije tekući transferi, evidentirani su izdaci u iznosu od 1.318 683,00 KM što procentualno iznosi 51% od planiranih izdataka ove vrste na godišnjem nivou a u odnosu na isti period prošle godine je manje za 6%.

U obrazloženju detaljno su obrazloženi izdaci za udruženja građana u izvještajnom periodu, i ovim putem ih nećemo pojedinačno iznositi.

Kapitalni transferi i izdaci su ostvareni u iznosu od 2.357.060,00 KM što je 48% od planiranog godišnjeg iznosa. U obrazloženju Budžeta detaljno je data analitička struktura ovih izdataka i nisu predmet posebnog obrazlaganja.

Budžetsku rezervu u iznosu od 10.334,00 u izvještajnom periodu čine:

Pomoći za sanaciju šteta u iznosu od 1.200,00 KM

Izdatak za volontera Bumbulović Anela JU Dom zdravlja Ilijaš 644,00 KM

Učešće KUD Ilijaš na Internacionalnom Festivalu folklora u Istanbulu

Sponzorstvo za projekat “Gljive za čistu okolinu” i pomoći za sanaciju stambenih objekata (Zukić Nermin, Dervišević Pašan, Hodžić Fadil, Tirić Fata, Beriša Miljaim) u iznosu od 5.000.00 KM.

Diskutanata po ovoj tački dnevnog reda nije bilo, pa je OV-e primilo k znanju

Informaciju o izvršenju Budžeta općine Ilijaš za period 01. 01 - 30. 09. 2013. godine

Nacrt Budžeta općine Ilijaš za 2014. godinu

Merima Osmanović - Prije svega moramo da istaknemo da se Nacrt Budžeta općine Ilijaš za 2014. godinu donosi u skladu sa važećim propisima u Federaciji BiH, odnosno u parlamentarnoj proceduri je novi „Zakon o budžetima u Federaciji BiH“, te do donošenja Prijedlog Budžeta općine Ilijaš za 2014. g. isti će biti na snazi. Također u parlamentarnoj proceduri je donošenje Zakona o izmjenama i dopunama Zakona o pripadnosti javnih prihoda u Federaciji BiH. Ponuđenim Nacrtom ovog dokumenta mijenjaju se odredbe člana 24. pomenutog zakona, odnosno između ostalog mijenjaju se odredbe koje su tretirale pripadnost javnih prihoda za jedinice lokalne samouprave Kantona Sarajevo tj. uvodi se novi način raspodjele prihoda po osnovu indirektnih poreza za jedinice lokalne samouprave u Kantonu Sarajevo po tzv. „čistom modelu“, čime će Općina Ilijaš biti dovedena u poziciju da ostvaruje manje prihoda po osnovu indirektnih poreza za cca 708.000,00 KM, u odnosu na projicirane prihode po ovom osnovu za 2013. godinu.

PRIHODI I PRIMICI

Planiranje prihoda u okviru projekcije Nacrta budžeta općine Ilijaš za 2014. godinu je urađeno u skladu sa instrukcijama viših organa, raspoloživim pokazateljima kao i planiranom realizacijom poslova iz okvira nadležnosti budžetskih korisnika koji utiču na ostvarenje prihoda u budžetu te historijskih pokazatelja. Projekcija ukupnih planiranih prihoda Nacrtom Budžeta za 2014. godinu iznosi 8.819.800 KM, a što je za 13,1 % manje u odnosu na plan prihoda za 2013. godinu.

Obzirom da su prihodi po svim osnovama analitički razloženi u ponuđenom Nacrtu, te iste nećemo posebno obrazlagati. Ono što je novina u ponuđenom nacrtu je ostvarivanje prihod po osnovu Naknade za korištenje građevinskog zemljišta. Kao i u ranijem periodu u strukturi ukupnih prihoda najznačajniju poziciju predstavljaju prihodi po osnovu grantova Kantona, Federacije, te ostalih nivoa i u ukupnoj strukturi prihoda iznose 54,03 %. U strukturi ovih prihoda najznačajniji su prihodi od Kantona Sarajevo, po osnovu prihoda od indirektnih poreza, a isti su planirani u iznosu od 2.351.400 KM. Ovdje odmah moramo istaći da će se po donošenju Izmjena i dopuna Zakona o pripadnosti javnih prihoda u FBiH, ova pozicija pretrpjeti određene izmjene, kako na samoj poziciji-ekonomskom kodu, tako i visinom planiranih prihoda.

Značajnu poziciju u ukupnim prihodima Budžeta općine Ilijaš predstavlja pozicija Kapitalni primici – primici od prodaje zemljišta i objekata, koji u ukupnoj strukturi zauzimaju 9,64 % ukupni prihoda, a odnose se na prihod po osnovu prodaje zemljišta u industrijskoj zoni Luka i lokaliteta Banovac, te prodaji objekta škole u Nišićima i poslovnog prostora u Ilijašu.

RASHODI I IZDACI

Ukupno procijenjeni rashodi i izdaci u Nacrtu Budžeta za 2014. godinu iznose 8.819.800 KM, što je za 13,1 % manje u odnosu na plan budžeta općine Ilijaš za 2013. godinu. Ukupno planirana sredstva za bruto plate iznose 1.472.840 KM i predstavlja povećanje u odnosu na planirana sredstva u Budžetu za 2013. godinu za 10 %. Povećanje na ovoj pozicije je očekivano i posljedica je prijema novouposlenih radnika u 2013. godini, kao i planiranog prijema dva uposlenika u 2014. godini.

Naknade uposlenim planirane su u iznosu od 321.130,00 KM, a što je više za 39 %

u odnosu na planirana sredstva u Budžetu za 2013. godinu. U okviru ove pozicije planirane su naknade za topli obrok, regres, smrtni slučajevi i teže bolesti, otpremnine u penziju kao i naknade za prijevoz. Povećanje na ovoj poziciji je posljedica potpisanog sporazuma između Samostalnog sindikata državnih službenika i namještenika FBiH i Općinskog načelnika o isplati razlike po osnovu umanjjenja isplate za topli obrok i regres u periodu 2011. i 2012. godina.

Doprinosi poslodavca planirani su u iznosu od 154.650 KM, a povećanje na ovoj poziciji iznosi 10 % u odnosu na planirana sredstva za 2013. godinu i posljedica je povećanja bruto plaće.

Izdaci za materijal i usluge

Na ovoj poziciji planirani su izdaci za materijal i usluge budžetskih korisnika - Jedinstvenog općinskog organa uprave i Općinskog vijeća. Ukupni izdaci za materijal i usluge planirane su u iznosu od 916.580 KM i u ukupnoj strukturi rashoda i izdataka učestvuju sa 10,39 %. Ova vrsta izdataka metodološki se planira na osnovu višegodišnjeg praćenja troškova kao i procijenjenih potreba za plansku godinu, odnosno ovi troškovi planirani su u okviru Plan Budžeta za 2013. godinu, uz određena povećanja, odnosno smanjenja koja su vidljiva u posebnom dijelu Budžeta.

Tekući transferi

Tekući transferi u Nacrtu Budžeta za 2014. godinu planirani su u iznosu od 2.192.800 KM i u ukupnoj strukturi rashoda i izdataka učestvuju sa 24,86 %. U okviru grantova drugim nivoima Vlade planirana su sredstva u iznosu od 310.000 KM, i evidentno je povećanje za 20 % u odnosu na planirana sredstva iz prethodnog perioda. Povećanje na ovoj poziciji odnosi se na uvođenje transfera za izbore te povećanje transfera za Općinsku izbornu komisiju, obzirom da je 2014. izborna godina.

Transferi pojedincima planirani su u iznosu od 1.020.800 KM, i evidentno je smanjenje za 8 % u odnosu na prethodni period. U okviru ove pozicije analitički su vidljiva smanjenja na poziciji subvencioniranje prijevoza učenika, izdaci za elementarne nepogode, sredstva za mirnodopske invalide i izdaci za vojne invalide, borce i porodice poginulih, dok je evidentno povećanje na poziciji izdaci za pogrebne troškove za 14 %.

Transferi neprofitnim organizacijama planirani su u iznosu od 477.000 KM što je za 7 % više u odnosu na plan budžeta za 2013. godinu. U okviru ove grupe vidljivo je povećanje na poziciji tekući transferi sa osnovne i srednje škole, te na poziciji tekući transfer za neprofitne organizacije koji je u odnosu na prethodni period uvećan za 5 %. Analitički pregled tekućih transfera za neprofitne organizacije vidljiv je u posebnom dijelu budžeta.

Subvencije javnim preduzećima planirane su u iznosu od 5.000.000 KM.

Sredstva za subvencije privatnim preduzećima i poduzetnicima planirana su u iznosu od 365.000 KM i predstavljaju povećanje za 9 % u odnosu na prethodni period, a planirano povećanje se odnosi na uvođenje nove budžetske pozicije „sufinansiranje razvojnih projekata“, kao inicijalna sredstva za projekte koje je općina Ilijaš aplicirala prema fondovima Evropske unije.

Kapitalni transferi i kapitalni izdaci

Kapitalni transferi i kapitalni izdaci planirani su u ukupnom iznosu od 3.707.500 KM.

Ovaj dio budžeta finansijski se pokriva iz sredstava Kantona za posebne namjene u

iznosu od 1.393.000 KM, te odobrenih sredstava od ostalih nivoa u iznosu od 255.000 KM a preostali dio iz izvornih sredstava općine Ilijaš u iznosu od 2.059.500 KM.

Ono što su ključni projekti, a planirani su u Nacrtu Budžetu za 2014. godinu su :

1. Izgradnja priključka na gradski vodovod dijela naselja G. Malešići ;
2. Nastavak uređenje korita rijeke Misoče i Ljubine ;
3. Izgradnja fekalnih kanalizacija Vlaškovo, Ljubnići, Luka i Kamenica
4. Izgradnja fekalne kanalizacije u IZ Luka
5. Sanacija krovova zgrada kolektivnog u Srednjem
6. Sanacija podnih obloga u fiskulturnoj sali u Srednjem
7. Utopljavanje objekta OŠ Podlugovi
8. Nabavka zemljišta za lokalitet IZ Luka
9. Izgradnja objekta gradske pijace
10. Rekonstrukcije i izgradnje puteva na bazi udruženih sredstava sa građanima
11. Rekonstrukcije puteva iz sredstava općine, OKFŠ-a i iz sredstava kroz aplicirane sredstva kod Federalnog ministarstva izbjeglih i raseljenih
12. Nastavak izgradnje puta i mosta za IZ Luka
13. Nadziđivanje i utopljavanje zgrade općine u cilju stvaranje boljih materijalno tehničkih uvjeta za rad organa uprave i općinskog vijeća

Smatramo da je ovaj nacrt dobra osnova za utvrđivanje prijedloga budžeta, da će javna rasprava biti konstruktivna i polučiti dosta dobrih prijedloga, kao i da će se u međuvremenu usvojiti Nacrt Budžeta Kantona Sarajevo, kao i stupiti na snagu novi Zakon o budžetima u FBiH, te Izmjene i dopune Zakona o pripadnosti javnih prihoda u FBiH, na osnovu koga ćemo utvrditi realan prijedloga našeg budžeta.

Nijaz Rastoder – Nadležna služba se neozbiljno ponijela kada je u pitanju ova tehnička greška, jer je ovo više od tehničke greške. Naime, u zaglavlju dokumenta navedena je 2014., a dalje u tekstu 2013. godina. Za mene je, kada je u pitanju nacrt budžeta, rasprava krenula od momenta kada je nacrt na dnevnom redu. U nacrtu budžeta, načelnik je obuhvatio sve škole, a niti jedna KM nije predviđena za OŠ “Hašim Spahić”. To je zaista žalosno. Ova škola ima najlošiju stolariju od svih društvenih objekata. Dok načelnik nešto ne uradi po ovom, ja neću podržati ovaj nacrt budžeta. To je jedan od razloga, a drugi razlog je što i ovaj put vidim da ovdje ima elemenata predizbornog budžeta. Vidjeli smo da su neprofitnim organizacijama povećana sredstva za 9%, nekim privatnim firmama povećana za 10% i industrijska zona Luka što je za nas liberale goruće pitanje. Ovim tempom, a jednom je načelnik rekao da bi trebalo 4-5 miliona se završi ova industrijska zona, teško da će se završiti ova zona. Ja mislim da ne treba više ulagati u ovu industrijsku zonu, nego se okrenuti već postojećoj industrijskoj zoni gdje za 250.000 KM možemo kupiti 10 dunuma zemlje u krugu bivše Željezare i za mjesec dana ponuditi nekome zemlju ko bi otvorio fabriku i za par mjeseci da ljudi počnu raditi. Što se tiče mosta koji se pravi, ja ne vjerujem ni da su stope urađene.

Predsjedavajući Mahir Dević – Sa kolegom se slažem kada su u pitanju škole, ali ovdje je u pitanju sufinansiranje projekata koje je odobrilo Federalno ministarstvo. Znači, ove škole su aplicirale, dobile sredstva od drugih nivoa vlasti i mi sa njima udružujemo sredstva da to završimo. Dakle, nije u pitanju diskriminacija škole “Hašim Spahić”. Kada je u pitanju most, stope su već izljevane.

Adem Efendić – Načelnik ima običaj reći da je budžet razvojni, a pomoćnica u svom izlaganju nije rekla kakav je, ali ja kažem da je ovaj nacrt budžeta komercijalni. Kolega

Nijaz je već pomenuo, a evo i ja da kažem da onim raznim "džabahljebarošima" - raznim udruženjima što sjede, umjesto da im se smanje sredstva, njima je predviđeno povećanje. Kroz izvještaj smo vidjeli za šta oni sredstva potroše.

Sportska udruženja – mali iznos. Zašto? Imamo odbojkaški klub koji treba da uđe u premijer ligu i trebalo bi posebno da se sredstva obezbijede za njega.

U nacrtu budžeta za 2013. godinu, pa rebalansom u septembru, vezano za izradu monografije porodica šehida i palih boraca cifra je sada skočila do 20.000 KM. Nemam poješnjenja kome ta sredstva i ko će raditi monografiju, a znamo da se udruženja ne mogu dogovoriti ni oko mnogo jednostavnijih stvari, a kamoli oko izrade monografije.

Ovdje ste izglasali RP Podlugovi i hvalili ste da je to ekspanzija u razvoju, odnosno privrednim ulaganjima, a u nacrtu ne vidim da je bilo šta predviđeno u Podlugovima. Možda ćete pred izbore nešto uraditi. Ali dajte prikažite to, isto kao što provlačite industrijsku zonu Luka, a mi imamo industrijski dio od Malešićkog mosta do ulaska u Kadariće gdje niko ne zaviruje šta ko tamo radi.

Znači u Podlugovima ništa nije planirano, niko se nije sjetio da možda treba jedna sportska ploha. Predstavnik Savjeta MZ Podlugovi je učestvovao u razgovorima za razliku od ostalih političkih subjekata od kojih se traži da ovaj dokument usvoje niko nije učestvovao, osim sigurno SDA.

Dom u Podlugovima – niko ga ne spominje.

Nije mi jasno što se taksativnije ne pobroji – ako se kaže da će se nešto raditi u Lješevu, Donjoj Karauli, gdje ste još planirali ostatak para, a naveli ste rekonstrukcija puteva – ostalo u iznosu 380.000 KM. Zašto niste nabrojali šta ćete uraditi sa ovih 380.000 KM i onih 250.000 KM od Kantona Sarajevo i 100.000 KM od ostalih nivoa? Ne vidim gdje ste planirali ova sredstva. Iz svih navedenih razloga mislim da je nacrt budžeta nerealan.

Evo i pomoćnica načelnika je kazala da naš budžet zavisi od drugih nivoa, a takva nam je vlast u općini da jedino ako šta prodamo tako punimo budžet i vidjet ćete kroz rješenja kako punimo budžet, prodajemo ovo što imamo i do kraja mandata mislim da ćemo sve prodati i nećemo imati šta prodati, te ne znam kako ćemo dalje puniti budžet.

Muhamed Handžić – Prvo da zamolim Kolegij OV-a da materijale Nacrta budžeta dostave predsjednicima Savjeta MZ-a kako bi na sastancima savjeta mogli razmatrati nacrt budžeta. U budžetu sam prepoznao dosta propusta i anomalija, a pomenut ću samo neke, ali one nisu uslov da se ovaj nacrt ne podrži.

Sufinansiranje rekonstrukcije cesta – ovim smo neka područja stavili već ad acta. Ovo govorim iz razloga velike nezaposlenosti ljudi iz određenih područja i nisu u mogućnosti izvršiti sufinansiranje. Znamo, kada su u pitanju sufinansiranja, koja područja mogu odgovoriti budžetu, a to su, prije svega, Podlugovi i eventualno Mrakovo. Kolega Adem Efendić je kazao da se u Podlugovima nije uradilo očekivano. Ako kažem da je uloženo 150.000 KM samo za rekonstrukciju cesta, a što sam vidio u ovom budžetu, uz sufinansiranje 20.000 KM. Ovdje nije 1:2 kako je načelnik rekao nego 1:7,5.

Ovo MZ-a Luka nikada neće moći odgovoriti ovome jer u Luci vlada velika nezaposlenost i siromaštvo. Dakle i to moramo imati u vidu. Slažem se da smo većinom lokalni političari koji apliciramo na ovaj budžet da nam što više prođe projekata iz područja iz kojih dolazimo, ali moramo biti realni i reći šta je već uloženo i šta se uradilo i da dozvolimo i drugima da se razvijaju. Što se tiče monografije kazali ste da su predviđena sredstva od 20.000 KM za izradu monografije. Ja sam jedan od članova komisije za izradu monografije i svi članovi će raditi besplatno, a materijal, štampanje i sve ostalo vjerovatno podrazumjeva ovaj iznos od 20.000 KM.

Što se tiče MZ Luka kazali ste da je industrijska zona Luka bombastično prikazana kroz ovaj budžet, a ja se ne bih složio sa vama, jer industrijska zona Luka predstavljaju

usporavanje razvoja infrastrukture u MZ Luka. Zašto? Zato što je u ovom dijelu Luke gdje je predviđena industrijska zona nije urađena ni kanalizacija, a vodovod je tek urađen i mnogi infrastrukturni projekti koji tretiraju sve ovo nisu urađeni.

Što se tiče samog nacrt budžet, mislim da je prenaduvan, da je preambiciozno planiran, jer je pitanje kolika će sama realizacija biti.

Na prošlom popisu stanovništva u Ilijašu, prema preliminarnim rezultatima živi 20.504 stanovnika, a mi smo kalkulisali cifrom cca 28.000 stanovnika. Pitam se gdje je 8.000 stanovnika, gdje je 3.000 fiktivno prijavljenih na našu općinu, hoće li oni biti konzumenti ovog budžeta, a znamo da hoće. Svjedoci smo kolega Ademe da su u Podlugovima rađeni putevi u područjima gdje živi dijaspora i njima je ništa dati 1000 KM za učešće i uradi im se asfaltni put da oni ne isprljaju skupocjena auta kada dođu na odmor, a ne rade se putevi tamo gdje žive stanovnici i razvijaju poljoprivredu i ostale grane. Moramo malo i o tome razmišljati. Ovaj nacrt budžeta, po meni je preambiciozan, ali ja ću ga podržati, jer cijenim da on neće moći biti bolji, a slijedeće godine teško da će njegov plan biti i 5 miliona.

Adem Efendić (krivi navod) – Obzirom da je nacrt budžeta u pitanju nisam mislio dužiti oko ovoga, ali kolega Handžiću sredstva planirana u budžetu za 2014.godinu o tome sam govorio i da u Podlugovima nisam vidio da je ništa predviđeno. Kada je u pitanju sufinansiranje cesta, nisam podržao ni prošli budžet, a ni ovaj neću, a vi govorite da ćete podržati i imate sufinansiranje od 180.000 KM. Sredstva i novac gdje živi dijaspora i gdje je vršeno sufinansiranje, nisam ja vršio odabir. Ne možemo mi kažnjavati nekoga ko ima novac.

Selver Herić – takođe se ne bih složio sa Ademom da je nacrt budžet komercijalni zbog udruženja, mislim da je autov imao smisla da ima naznake da se zove predizborni. Da bi bio 100% predizborni, ja bih zamolio pomoćnicu načelnika da moje izlaganje zabilježi i ako bude realno da se uvrsti u prijedlog budžeta.

Prvo-rekonstrukcija i investiciono održavanje javne rasvjete – u prijedlogu budžeta 15 godina stoji rekonstrukcija u G.Ivančićima i još se nikada ništa nije uradilo.

Drugo-rekonstrukcija i investiciono održavanje cesta – Srednje most kod osnovne škole, pa me zanima da li je to most kod osnovne škole ili je most na putu u Srednjem koji treba proširiti i ako je taj koji treba proširiti ja bih bio zadovoljan da se napokon i on proširi.

Kapitalni transferi za sport, kulturu i informisanje – moram vas obavijestiti da u D.Čevljanovićima postoji ploha za igranje nogometa, ali nedostaje žičana ograda, te bih zamolio da se predvide sredstva za ogradu do rijeke Ljubine.

Treće - vodovod – moram vas informisati da vodovod u D.Čevljanovićima ne zadovoljava potrebe stanovništva. Takođe svake godine je planirano 20.000 KM za rekonstrukciju tog vodovoda, pa bih zamolio da u vodovode uvrstite i vodovod u D.Čevljanovićima, jer stanovništvo iznad ceste u ljetnom periodu nemaju nikako vodu.

Četvrto - kanalizacija – mislim da bi red bio da se bar na jednom mjestu na gornjem području uradi, ako ne kanalizacija, onda bar projekat, te zbog hitnosti da se to uradi u G.Ivančićima zato što i sa jedne i druge strane sela fekalije se slijevaju na magistralni put Sarajevo-Tuzla.

Peto – putevi – drago mi je da su moje kolege civilizovane i bore se oko asfalta, a ja bih za slijedeću godinu zamolio da izdvajanja od Sarajevo-šuma usmjerite za puteve (makadamske puteve) uzmete u obzir.

KV SDP-a će podržati ovaj nacrt budžeta.

Marioneta Ilić-Jureta – Već dvije godine Ljubina nije pomenuta, pa bih zamolila nadležne da se pobrinu oko naše rasvjete, za završetak džamije u Solakovićima potrebno je cca

5.000 KM, nema rasvjete oko crkve u Ljubini, u Ulištovićima ljudi nemaju vode, ništa se ne dešava u Crnoj Rijeci. Dakle, zamolila bih da se pažnja obrati na Ljubinu i ostale slične Ljubini. Znači, malo rasporedite na sve teritorije naše općine.

Adem Efendić (povreda Poslovnika) – Predsjedavajući, kada se iscrpi diskusija i nema prijavljenih vijećnika, dužni ste da date riječ predsjedniku Savjeta MZ-a, u ovom slučaju Šemsi Jusiću.

Predsjedavajući Mahir Dević – Mjesne zajednice će imati priliku da se očituju po pitanju budžeta i kada bude prijedlog to ćemo uraditi.

Kada je u pitanju prijedlog budžeta tri stvari će determinirati prijedlog budžeta: Zakon o pripadnosti javnih prihoda, Zakon o budžetima FBiH, Kantonalni budžet itd.. Te tri stvari će odrediti šta će biti od projekata. Mi smo krenuli u proceduru, u prijedlogu neka se nađu stvari o kojima ste govorili i naravno da niko nije protiv toga ukoliko bude mogućnosti da se udovolji.

Diskutanata po ovoj tački dnevnog reda više nije bilo, te je OV-e sa 18 glasova ZA i 3 PROTIV donijelo

ZAKLJUČAK

Član 1.

Prihvata se Nacrt Budžeta općine Ilijaš za 2014. godinu i stavlja na javnu raspravu.

Član 2.

Nacrt Budžeta općine Ilijaš za 2014. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će: građani, mjesne zajednice, budžetski korisnici, političke stranke i ostale asocijacije i udruženja građana.

Član 3.

Javna rasprava o Nacrtu Budžeta općine Ilijaš za 2014. godinu se određuje u trajanju od 20 dana, počev od 29. 11. 2013. godine do 18. 12. 2013. godine.

Javna prezentacije Nacrta Budžeta općine Ilijaš za 2014. godinu održat će se u velikoj sali općine Ilijaš dana 06. 12. 2013. godine sa početkom u 14:00 sati, a istu će provesti Služba za privredu, finansije i investicije.

Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 20. 12. 2013. godine – 12:00 h.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

AD-6

Nacrt Odluke o izvršavanju Budžeta općine Ilijaš za 2014. godinu

Diskutanata po ovoj tački dnevnog reda nije bilo, te je OV-e sa 18 glasova ZA i 3 PROTIV donijelo

ZAKLJUČAK

Član 1.

Prihvata se Nacrt Odluke o izvršavanju Budžeta općine Ilijaš za 2014.godinu i stavlja na javnu raspravu.

Član 2.

Nacrt Odluke o izvršavanju Budžeta općine Ilijaš za 2014. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će: građani, mjesne zajednice, budžetski korisnici, političke stranke i ostale asocijacije i udruženja građana.

Član 3.

Javna rasprava o Nacrtu Odluke o izvršavanju Budžeta općine Ilijaš za 2014.godinu se određuje u trajanju od 20 dana, počev od 29. 11. 2013. godine do 18. 12. 2013. godine.

Javna prezentacije Nacrta Odluke o izvršavanju Budžeta općine Ilijaš za 2014.godinu održat će se u velikoj sali općine Ilijaš dana 06. 12. 2013. godine sa početkom u 14:00 sati, a istu će provesti Služba za privredu, finansije i investicije.

Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 20. 12. 2013. godine – 12:00 h.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

AD-7

Nacrt Odluke o građevinskom zemljištu

Diskutanata po ovoj tački dnevnog reda nije bilo, te je OV-e jednoglasno donijelo

ZAKLJUČAK

1. Utvrđuje se Nacrt Odluke o građevinskom zemljištu.
2. Primjedbe, prijedlozi, sugestije i mišljenja svih zainteresovanih subjekata: MZ-a i građana općine Ilijaš, kao i građana koji u vlasništvu posjeduju objekte na području općine Ilijaš, vijećnika Općinskog vijeća Ilijaš, Političkih partija općine Ilijaš, komisija općinskog vijeća, privrednih subjekata, dostavljaju se u općinu Ilijaš sa naznakom, Komisija za izradu Odluke o građevinskom zemljištu (u daljem tekstu Komisija), koja organizuje i sprovodi javnu raspravu.
3. Primjedbe, mišljenja i sugestije dostavljaju se pismenim putem Komisiji zaključno sa 19. 12. 2013. godine kada će se organizovati Javna rasprava na Odluku o građevinskom zemljištu u sali općine Ilijaš sa početkom u 13 sati.
4. Nakon sprovedene javne rasprave Komisija je dužna da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni. Izvještaj o rezultatima Javne

rasprave dostavljaju se uz materijal Prijedloga Odluke o građevinskom zemljištu.

AD-8

Prijedlog Odluke o pristupanju izradi Regulacionog plana "Savića Brdo"

Diskutanata po ovoj tački dnevnog reda nije bilo, te je OV-e jednoglasno donijelo

Odluku o pristupanju izradi Regulacionog plana "Savića Brdo"

AD-9

Prijedlog Odluke o prodaji zemljišta u obuhvatu Industrijske zone "Luke" u Ilijašu

Diskutanata po ovoj tački dnevnog reda nije bilo, te je OV-e jednoglasno donijelo

Odluku o prodaji zemljišta u obuhvatu Industrijske zone "Luke" u Ilijašu

AD-10

Prijedlog Odluke o odbijanju ponude o preuzimanju neizgrađenog
građevinskog zemljišta – K.O. SP_Donja Vogošća

Diskutanata po ovoj tački dnevnog reda nije bilo, te je OV-e jednoglasno donijelo

Odluku o odbijanju ponude o preuzimanju neizgrađenog
građevinskog zemljišta – K.O. SP_Donja Vogošća

Na zahtjev vijećnika Adema Efendića uslijedila je pauza od 10 minuta. (13:00h-13:10h)

AD-11

Prijedlog rješenja iz imovinsko-pravne oblasti:

a) broj 06/1-31-701/13 od 13. 11. 2013. godine

Diskutanata po ovoj tački dnevnog reda nije bilo, te je OV-e jednoglasno donijelo

Rješenje broj 06/1-31-701/13 od 13. 11. 2013. godine

b) broj 06/1-31-915/13 od 13. 11. 2013. godine

Diskutanata po ovoj tački dnevnog reda nije bilo, te je OV-e jednoglasno donijelo

Rješenje broj 06/1-31-915/13 od 13. 11. 2013. godine

c) broj 06/1-31-934/13 od 13. 11. 2013. godine

Diskutanata po ovoj tački dnevnog reda nije bilo, te je OV-e jednoglasno donijelo

Rješenje broj 06/1-31-934/13 od 13. 11. 2013. godine

d) broj 06/1-31-954/13 od 13. 11. 2013. godine

Diskutanata po ovoj tački dnevnog reda nije bilo, te je OV-e jednoglasno donijelo

Rješenje broj 06/1-31-954/13 od 13. 11. 2013. godine

e) broj 06/1-31-1007/13 od 14. 11. 2013. godine

Sadeta Brkić – U pitanju je dodjela gradskog građevinskog zemljišta putem javnog nadmetanja, Komisija za statut i propise nije imala primjedbi, a u međuvremenu je stiglo pozitivno mišljenje Pravobranilaštva da je konkursna procedura provedena u cjelosti u skladu sa zakonom. Prema tome, nema zakonskih smetnji da bude donesena odluka i na OV-u. U pitanju je dodjela na korištenje neizgrađenog gradskog građevinskog zemljišta državne svojine na kojem ima pravo raspolaganja općina Ilijaš radi dogradnje postojećeg objekta, poslovnog prostora, a u pitanju je dodjela površine od 63 m² uz obavezu plaćanja određenih naknada za dodjelu, za prirodnu pogodnost-rentu i za uređenje kako je precizirano u prijedlogu rješenja. Konkursna procedura je u cjelini provedena u skladu sa zakonom, a zaključak komisije je bio da se ide sa najpovoljnijom ponudom, odnosno bio je jedan jedini kandidat prijavljen sa cijenom kako ste dobili u obrazloženju rješenja.

Nijaz Rastoder – Ja jesam glasao za RP Banovac, ali sada ne znam kako će to tamo izgledati, a nemamo vizuelnu predstavu kako će to izgledati kada se proširi taj objekat. Interesuje me gdje će sada biti ljetna bašta za ovaj objekat?

Adem Efendić – Ja ovdje ne vidim proširivanje regulacionog plana na objektu kako je dostavljeno u skici koju sam dobio. Uvjeti konkursa su bili takvi da su onemogućili ostalim da konkurišu, odnosno da ispune uvjete konkursa. Nemam ništa protiv, dati nekome po 101 KM, a ostali na mnogo lošijim lokacijama izađe pod 2000, pa čak i 3000 KM/m².

Predsjedavajući Mahir Dević – Jedno je kada kupiš 1 m² zemlje, ali postoje naknade za rentu, uređenje gradskog građevinskog zemljišta i sve ostalo, tako da 1m² dođe dosta više. Ne može se porediti gradsko građevinsko zemljište, a ovo je stan koji je kupio Tarik koji je već izgrađen i sada porediš stan i zemljište na koju treba platiti rentu, uređenje i ostalo.

Adem Efendić (krivi navod) – Predsjedavajući nisam uopšte mislio na stan koji ste pomenuli, ali prostor gdje je bila optičarska radnja, bila je čista površina i znate po kojoj je cijeni prodato po konkursu.

Predsjedavajući Mahir Dević – Konkurs je bio javan i ljudi su se prijavili.

Muhamed Handžić – Nemam ništa lično protiv bilo koga, a posebno protiv onih koji privređuju i koji su porezni obveznici i taj je sigurno čovjek koji je potencijalni zakupac, porezni obveznik. Međutim, ja sam protiv svakog vida anarhije pa i na ovaj način kojim bi mi legalizovali anarhiju. Radi se o slijedećem, a da me ne bi pogrešno shvatio ovaj koji će slušati vjerovatno ovo što se tiče njega. Imamo bašte u pješačkoj zoni koje su se raširile sa svih strana i pješaci nemaju kuda da hodaju. Postavlja sam pitanje nekoliko puta da li se naplaćuju ti kvadrati i bašte. Kada to pitanje postavim našem inspektoru, on kaže da nije nadležan za to.

Ovo govorim i za objekat koji je imao baštu na tom prostoru i ja živim tamo i građani su više puta negodovali zbog ove bašte, i zbog ponašanja gostiju i glasne muzike i zbog toga sam ja protiv ovoga i neću podržati, a ne zbog čovjeka koji je vlasnik objekta. Znači, neću

podržati ovo rješenje zbog građana, mojih komšija, kojima smeta ono što se dešava u bašti, a ne što će zauzeti javnu površinu, napraviti objekat i proširiti se eventualno u park.

Predsjedavajući Mahir Dević - Ja samo upozoravam OV-e da ćemo uvesti sami sebe u nekozistentnost koja će izgledati ne kao nešto lično, jer u budućnosti ćemo imati isti takav objekat koji treba da se proširuje mislim da je vlasništvo pomoćnice načelnika Melihe koji ide prema osnovnoj školi i vidjet ćemo da li ćete tada glasati. Takođe imat ćemo zahtjev za proširenje čevabdžinice, a svima do sada smo omogućili u ovoj pješačkoj zoni da se prošire.

Nijaz Mašić - Ja hoću da čestitam onome ko je manje od 10 m od ćoška školske ograde dao dozvolu da se toči alkohol i da su nam ti kafići puni djece. To je ono što mene boli i vidim da su kafići puni djece i konzumiraju alkohol. O tome nismo razmišljali. Naravno da će kroz urbanistički plan ovakve stvari proći, jer nama na te detalje niko neće da skrene pažnju, a ni u komisijama kada predlažemo nisu adekvatni-sručni ljudi i onda dođemo do ovoga. Porediti kafić koji je u blizini škole i čevabdžinicu nije isto. Ja ne mogu glasati za ovo.

Predsjedavajući Mahir Dević – Naravno da je to potpuno ista stvar, ali za proširenje čevabdžinice potrebno je izvršiti djelimičnu izmjenu RP Centar koju treba uraditi Zavod za planiranje razvoja i načelnik. Vi ste usvojili RP Banovac i nemamo niti jednog razloga, po zakonu, da to ne podržimo. To je zadnji objekat, u nizu kafana, do škole.

Nedim Matoruga – Interesuje me samo, ali izgleda da je sve pojašnjeno, ali kada smo usvajali RP Banovac nije bilo primjedbi po ovom pitanju i ne znam zbog čega se sada pravi problem. Znači, gabariti te zgrade su usvojeni našim glasanjem. Izmjena RP Banovac nije bilo.

Što se tiče pitanja da li su djeca u kafanama, tu ima odgovornosti i profesora, ali to je sada druga tema.

Selma Pušina – Objekat o kome je riječ se nalazi u mom komšiluku i cijelo ljeto je tu, samo zimi skloni baštu i opet je u proljeće postavi. Djeca iz škole su u svim kafićima, ne samo u tom kafiću. Ne vidim razloga da zimi čovjeku ne damo da radi, a ljeti dozvolimo. Ako će on tu napraviti objekat gdje će zaposliti dva radnika – konobara koji su možda završili školu u Ilijašu, ja sam za.

Halid Dizdarević – Mogu reći da je ova bašta uvijek postojala u toku ljeta, a jedina razlika koja će sada biti je što će bašta biti od fiksnog materijala za koji će vlasnik plaćati naknade koje su potrebne. Što se tiče djece, sigurno neće konzumirati alkohol u baštama, nego će se kriti u objektima kojih ima više na tom lokalitetu. Ja sam glasao za RP Banovac i glasat ću i za ovo rješenje.

Predsjedavajući Mahir Dević – Imate svu potrebnu proceduru koja je po zakonu, usvojena je regulacionim planom, rješenjima, čovjek ima svu potrebnu dokumentaciju, ali ako neko hoće da glasa protiv zakona neka glasa, samo ovakva rješenja ćete imati u budućnosti, a i do sada smo ih imali i glasali za njih. Na kraju krajeva, ovo unosi sredstva u budžet. Zatim je dao na glasanje predloženo rješenje.

Vijećnik Alan Šerak, ispred kluba je izrazio sumnju u glasanje, te se pristupilo pojedinačnom glasanju.

ZA su glasali slijedeći vijećnici: Mahir Dević, Nedim Matoruga, Saudin Durmić, Halid Dizdarević, Fahir Hasanović, Rasim Šehić, Selma Pušina, Marioneta Ilić-Jureta, Edhem Hasanović, Asim Mujić, Aida Mališević, Nijaz Rastoder, Nihad Bučuk, Muhamed Handžić i Enes Dizdarević.

Protiv su glasali slijedeći vijećnici: Alan Šerak, Adem Efendić, Nijaz Mašić, Akif Bešlija, Suzdržani su bili slijedeći vijećnici: Selver Herić,

Odsutni vijećnici: Amar Dovadžija, Muamer Dervišević, Damir Filipović, Sead Šehić i Besim Gljiva.

Konstatovano je da je sa 15 glasova ZA, 4 PROTIV i 1 UZDRŽANIM donijeto

Rješenje broj 06/1-31-1007/13 od 14. 11. 2013. godine

AD-12

Informacija o stanju poljoprivrede na području općine Ilijaš

Diskutanata po ovoj tački dnevnog reda nije bilo, te je OV-e primilo k znanju

Informaciju o stanju poljoprivrede na području općine Ilijaš

AD-13

Informacija o bespravnoj izgradnji i sanaciji bespravno izgrađenih objekata

Vahid Hadžiabdić – urbanističko-građevinski inspektor – Što se tiče ove informacije, najveća aktivnost je provedena što se tiče bespravne izgradnje za rezne jedinice i brente, i uklanjanje garaža u urbanom dijelu Ilijaša. Ukoliko ima pitanja, na raspolaganju sam.

Diskutanata po ovoj tački dnevnog reda više nije bilo, te je OV-e primilo k znanju

Informaciju o bespravnoj izgradnji i sanaciji bespravno izgrađenih objekata

Predsjedavajući Mahir Dević zaključio je 13. sjednicu OV-a u 13:40h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ
Damir Filipović, s.r.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov_ilijas@bih.net.ba

